

ÁKVÖRÐUN FRAMKVÆMDASTJÓRNARINNAR

frá 28. desember 1994

um bráðabirgðaráðstafanir sem gera skal í Finnlandi með tilliti til dýraheilbrigðiseftirlits með afurðum sem eru fluttar inn til Finnlands frá þriðju löndum

(94/958/EB)

FRAMKVÆMDASTJÓRN EVRÓPUBANDALAGANNA
HEFUR,

2. gr.

með hliðsjón af stofnsáttmála Evrópubandalagsins,

með hliðsjón af tilskipun ráðsins 90/675/EBE frá 10. desember 1990 um meginreglur um skipulag dýraheilbrigðiseftirlits með afurðum sem fluttar eru inn til bandalagsins frá þriðju löndum ⁽¹⁾, eins og henni var breytt með a-lið 1. mgr. I. hluta E-liðar V. kafla I. viðauka við lögin um aðildarskilmála konungsríkisins Noregs, lýðveldisins Austurríkis, lýðveldisins Finnlands og konungsríkisins Svíþjóðar og aðlögun að sáttmálunum sem Evrópusambandið er grundvallað á, einkum 2. mgr. 18. gr. a,

og að teknu tilliti til eftirfarandi:

Finnland skal hafa tveggja ára frest til að taka upp skoðunarfyrikomulagið sem kveðið er á um í I. kafla tilskipunar 90/675/EBE. Nauðsynlegt er að skilgreina bráðabirgðaráðstafanirnar sem eiga að gilda á því tímabili.

Þar til viðeigandi grunnvirki eru til reiðu á ytri landamærum skal kveða á um skoðunarstaði í tengslum við landamærastöðvar á ytri landamærum. Af þeirri ástæðu ber að aðlaga viðkomandi ákvæði I. kafla tilskipunar 90/675/EBE.

Ráðstafanirnar sem mælt er fyrir um í þessari ákvörðun eiga að tryggja að yfirvöld í Finnlandi viðhafi allt tilskilið eftirlit.

Ráðstafanirnar sem kveðið er á um í þessari ákvörðun eru í samræmi við álit fastanefndarinnar um dýraheilbrigði.

SAMÞYKKT ÁKVÖRÐUN ÞESSA:

1. gr.

1. Með tilliti til skipulagningar og framhalds eftirlits (I. kafla tilskipunar 90/675/EBE) skal Finnland beita þeim ráðstöfunum sem kveðið er á um í þessari ákvörðun frá 1. janúar 1995 til 31. desember 1996.

2. Ákvörðun þessi hefur ekki áhrif á þann möguleika að skoðunarstöð á landamærum verði tilgreind í skránni sem kveðið er á um í 9. gr. tilskipunar 90/675/EBE.

⁽¹⁾ Stjtið. EB nr. L 373, 31. 12. 1990, bls. 1.

1. Afurðir frá þriðju löndum sem eru fluttar inn á yfirráðasvæði lýðveldisins Finnlands skulu fara um eina af þeim landamærastöðvum sem eru taldar upp í viðaukanum.

2. Yfirvöld í Finnlandi skulu gera nauðsynlegar ráðstafanir til að beita viðurlögum vegna allra brota einstaklinga eða lögpersóna á ákvæðum 1. mgr. Í alvarlegustu tilvikum geta slíkar ráðstafanir leitt til þess að afurðum verði fargað.

3. gr.

1. Til hvernar landamærastöðvar heyrir skoðunarstaður, í samræmi við viðaukann. Dýraheilbrigðisþjónustan sem sér um landamæraeftirlitið skal bera ábyrgð á hverri landamærastöð og tilheyrandi skoðunarstað.

2. Afurðir skulu þegar í stað fluttar undir tolfteftirliti frá landamærastöðinni til tilheyrandi skoðunarstaðar. Auk þess skal lögbæra yfirvaldið á landamærastöðinni tilkynna opinbera dýralækninum á skoðunarstaðnum með símbréfi um hverja vörusendingu sem fer frá landamærastöðinni. Á sama hátt skal opinberi dýralæknirinn tilkynna lögbæra yfirvaldinu á landamærastöðinni með símbréfi um komu hvernar vörusendingar.

3. Ákvæði 2. mgr. 2. gr. gilda að breyttu breytanda.

4. gr.

1. Ákvæði 3. gr. tilskipunar 90/675/EBE skulu gilda.

2. Ákvæði 4. gr. tilskipunar 90/675/EBE og nákvæmar reglur um beitingu þeirra skulu gilda.

Samt sem áður gildir eftirfarandi:

— hugtakið „landamærastöð“ í 2. mgr. 4. gr. er óbreytt,

— í stað orðanna „starfsmenn dýraheilbrigðiseftirlits skoðunarstöðvar á landamærum“ í 4. mgr. 4. gr. komi „lögbært yfirvald á landamærastöð“.

3. Ákvæði 5., 6. og 7. gr. tilskipunar 90/675/EBE og nákvæmar reglur um beitingu þeirra skulu gilda.

4. Ákvæði 8. og 10. gr. tilskipunar 90/675/EBE og nákvæmar reglur um beitingu þeirra skulu gilda. Í stað hugtaksins „skoðunarstöð á landamærum“ komi þó „skoðunarstaður“.

5. Ákvæði 11. gr. tilskipunar 90/675/EBE og nákvæmar reglur um beitingu þeirra skulu gilda. Í stað hugtaksins „skoðunarstöð á landamærum“ komi þó „skoðunarstaður“.

6. Ákvæði 12., 13., 14., 15., 16., 17. og 18. gr. tilskipunar 90/675/EBE og nákvæmar reglur um beitingu þeirra skulu gilda. Í stað hugtaksins „skoðunarstöð á landamærum“ komi þó „skoðunarstaður“.

5. gr.

Ákvörðun þessi gildir með fyrirvara um og frá gildistöku-degi sáttmálans um aðild Noregs, Austurríkis, Finnlands og Svíþjóðar.

6. gr.

Ákvörðun þessari er beint til aðildarríkjanna.

Gjört í Brussel 28. desember 1994.

Fyrir hönd framkvæmdastjórnarinnar,

René STEICHEN

framkvæmdastjóri.

VIÐAUKI

Landamærastöð	Skoðunarstaður	Flokkar dýraafurða
Helsinki (höfn, flugvöllur)	Helsinki (borg)	Allir
Turku (höfn, flugvöllur)	Turku (borg)	Allir
Vaasa (höfn)	Vaasa (borg)	Allir
Vaalimaa (landamæri Rússlands og Finnlands)	Vaalimaa (þorp)	Allir
Uusi-Vartsila (landamæri Rússlands og Finnlands)	Uusi-Vartsila (þorp)	Allir